



SESIÓN EXTRAORDINARIA CELEBRADA POLO PLENO DO CONCELLO O DÍA 21 XANEIRO - 2011

ORDE DO DIA

1.- APROBACIÓN DA ACTA DA ÚLTIMA SESIÓN.

2.- CAMBIO DE FINALIDADE DO PLAN DE INVERSIÓNS DO CONCELLO.

Na Casa do Concello de Redondela, sendo as nove horas e trinta minutos do día vinteún de xaneiro de dous mil once, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, Dª. FRANCISCA CANAL GÓMEZ, D. JUAN TIZÓN CABALEIRO, , D. MIGUEL ANGEL ALVAREZ BALLESTEROS, Dª. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, Dª. LAURA ALONSO GÓMEZ, D. XOSÉ CARLOS PAZOS DOCAMPO, Dª. MARÍA ANXELES BABARRO FERNÁNDEZ, Dª. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu o Sra. Interventora Xeral Acctal. do Concello Dª. MARIA GARCÍA MANEIRO, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

INCIDENCIAS.-

Non asiste, excusando a súa ausencia, oconcelleiro D. JOSÉ ALBERTO PAZOS COUÑAGO.

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar o único punto da Orde do Día.-

1.- APROBACIÓN DA ACTA DA ÚLTIMA SESIÓN.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinte votos a favor (8 do PSdeG-PSOE, 7 do PP, 3 do BNG, e 2 do PG), acorda prestar aprobación ao acta da sesión celebrada con carácter ordinario o día 29 de decembro de 2010.-

2.- CAMBIO DE FINALIDADE DO PLAN DE INVERSIÓNS DO CONCELLO.-

ANTECEDENTES.-

Ditame da Comisión Informativa de Facenda e Patrimonio de data 19 de xaneiro de 2011, que transcrito di:

"Vista a proposta da Alcaldía de data, 10.01.11, que transcrita di:

"O Orzamento municipal do ano 2011 corresponde o orzamento prorrogado do ano 2010, o cal contemplaba nas súas partidas iniciais o gasto que presumiblemente precisaban realizar os distintos Servicios do Concello para poder atender ás funcións que teñen encomendadas.

Xunto co orzamento figura o Anexo das Inversións, contemplando as inversións que se estimaban realizar durante o ano 2010 e as súas fontes de financiación.

Agora ben, a situación de partida que o Orzamento inicial representa, non pode contemplar de xeito pormenorizado todos os acontecementos que nun Municipio do tamaño do noso se poden ir presentando ao longo do ano.



NUMERADO
CORACIONES
SOCIAIS



(Sello da Corporación)

(Sinatura do Presidente)

Folio N.º 02

Serie A N.º 1179362

Así, e para dar cobertura a este tipo de situacions, as normas orzamentarias contemplan unha serie de medidas que, cos correspondentes límites, permiten "adaptar" o Orzamento "inicial" ao que en cada caso vaia precisando a Administración municipal.

Esta Alcaldía propónlle ao Pleno a adopción dos seguintes acordos:

Primeiro: Proceder o cambio da finalidade das seguintes partidas:

- Partida 1551A.64021: Proxectos de obras ; crédito = 54.000€, financiado coas expropiacións dos terreos do AVE, vaise destinar ao Acondicionamento da Praza Ribadavia.
- Partida 9121A.60000: Inversións en terreos; crédito = 1.000.000€, financiado co préstamo 10.91300, vaise destinar a obras municipais.
- Partida 3421A.62202: Proxecto novo pavillón e concurso de ideas; crédito = 100.000, financiado co préstamo 0991701, vaise destinar a obras ,municipais.
- Partida 1551A.60121: Remodelación Praza Ponteareas; crédito = 400.000, financiado co préstamo 10.913000, vaise destinar 100.000€ para o PXOM e o resto para obras municipais."

Votación e dictame:

A comisión informativa de facenda, e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4) do BNG (2), e a abstención do Grupo Municipal do PP (4), e do PG (1) dictaminou favorablemente a proposta do Presidente antes transcrita."

INTERVENCIÓN.-

A concelleira señora Canal Gómez sinala que os dous grupos que gobernan en Redondela non foron quen de aprobar o orzamento para 2011 do xeito legalmente esixido e a pesares de que contan con maioría absoluta na corporación. Indica que non teñen unha programación e que fan isto simplemente para financia-la campaña do candidato socialista. Dí que despois de catro anos sen dicir nada acórdanse agora do PXOM e anuncia a sua abstención á proposta. Sinala que o Spa de Chapela non o terminaron no prazo previsto, cecais porque queren inauguralo antes das eleccións, pero está convencida de que os cidadáns xa non lles creen.

O concelleiro señor González Iglesias dí que poden dicir que non se aprobou o orzamento pero non por en cuestión a xestión económica do Concello xa que é un dos poucos que non teñen problemas de tesourería e paga as nóminas cando as ten que pagar. Indica que as campañas socialistas as paga o partido ainda que pon en dúbida que isto sexa así no caso do PP porque ainda lembra que gastaron 16 millóns somentes en carteis. En canto o PXOM dí que o Alcalde de Baiona, que é do PP, dixo públicamente hai uns días que non se pode aprobar un Plan porque a lei cambiou sete veces e houbo outras moitas modificacions no aspecto do hábitat, plan do litoral...etc e inda por riba Feijoo ven de anunciar unha nova lei...cecais por iso ningún Concello ten un plan adaptado á normativa actual e somentes 46 de 313 o teñen adaptado á lei do 2002. Lle parece que non é que sexan eles sós os inútiles.Indica que o PP tamén dixo que o da Marisma era virtual, e agora somentes queda unha parte da última obra por executar, así como o Spa que estará rematado antes das eleccións. Con este acordo simplemente se trata de dar por rematados os investimentos do ano pasado e liberar fondos para facer investimentos neste exercizo.

A concelleira señora Canal Gómez dí que a actuación dos partidos que gobernan está chea de promesas incumpridas porque no fixeron nada en materia de xuventude, se limitaron a arranxar de mala maneira o Pavillón, retrasouse o centro de día por un problema urbanístico e non se mellorou nada nos colexios. Dí que o Spa, non é tal, senón somentes unha piscina e que o da Marisma é un paseo que está nun entorno sen sanear, porque a depuradora o incumple todo. Non sabe se o voceiro socialista refírese ao Concello de Cangas no tocante aos problemas para o pagamento das nóminas. Considera que as instalacions do Conservatorio non son axeitadas e as parroquias teñen grandes problemas de acceso especialmente agora que o termo municipal está machacado por bastantes infraestructuras. Asegura que van a vixiar o que se fai no Concello.



NUMERADAS
DORACIONES
OCIAIS

O concelleiro señor González Iglesias dí que o PP confunde as eleccións con eleccións de vixiantes e eles optan por gobernar. Sinala que non referíase precisamente a Cangas pero sí a gobernos onde estivo o PP durante moitos anos, como Sanxenxo, Ponteareas ou Porriño que non están como Redondela que paga as facturas a sesenta días vista o cal tal e como está a situación é moi importante. Dí que o Pavillón novo terían que asumir a Xunta, así como o mantemento da depuradora, xa que non sabe por qué fanse cargo da de Soutomaior e castigan aos cidadáns de Redondela. Imaxina que o PP non estará en contra das infraestructuras xa que o municipio foi dende sempre un nudo de comunicacións.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo trece votos a favor (8 do PSdeG-PSOE, 3 do B.N.G. e 2 do P.G.), e sete abstencións (7 do PP), aprobou nos seus propios termos, o dictame da Comisión Informativa de Facenda e Patrimonio, nos antecedentes transcrito.-

E, non habendo máis asuntos que tratar, a Presidencia remata a presente sesión, sendo as nove horas e cincuenta minutos da data fixada no encabezamento, en proba de todo o que, se redacta a presente acta, da que, como Secretaria do presente acto, dou fe.

Nº 2/2011

SESIÓN ORDINARIA CELEBRADA POLO PLENO DO CONCELLO O DÍA 26 XANEIRO 2011 ORDE DO DIA

1.-APROBACIÓN, NO SEU CASO, DA ACTA DA SESIÓN ANTERIOR .

2.-ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.

3.-RESOLUCIÓN DE SUXERENCIAS E CORRECCIÓNNS E APROBACIÓNDEFINITIVA DO REGULAMENTO MUNICIPAL DOS SERVIZOS URBANOS DE TRANSPORTE EN AUTOMÓBILES LIXEIROS DO CONCELLO DE REDONDELA.

4.-RECOÑECIMENTO EXTRAXUDICIAL DAS HORAS EXTRAORDINARIAS DE PERSONAL DO CONCELLO DO MES DE DECEMBRO/10.

5.-RECURSO DE REPOSICIÓN DE MARGARITA SANTAMARÍA MOSQUERA, CONTRA ACORDO DO PLENO DO CONCELLO, REXEITANDO A BAIXA DUN CAMIÑO NO INVENTARIO MUNICIPAL DE BENS.

6.-ACTIVIDADE DE CONTROL DO PLENO:

6.1.-DAR CONTA DE RESOLUCIÓNNS DA ALCALDÍA E CONCELLEIROS DELEGADOS.

6.2.- MOCIÓN:

6.2.1.- MOCIÓN DO GRUPO MUNICIPAL DO PARTIDO POPULAR, SOBRE O PANTALÁN DE CESANTES.-

6.2.2.- MOCIÓN DO GRUPO MUNICIPAL DO PARTIDO POPULAR, SOBRE AMPLIACIÓN DA AP -9.-

6.2.3.- MOCIÓN DO GRUPO MUNICIPAL DO PARTIDO POPULAR SOBRE A A -59.

6.2.4.- MOCIÓN DO GRUPO MUNICIPAL DO PARTIDO POPULAR SOBRE MEDIOS DO GRUMIR.

6.2.5.- MOCIÓN DO GRUPO MUNICIPAL DO B.N.G., SOBRE A SUBA DOS BENS DE PRIMEIRA NECESIDADE.